


TEZAU LITURGIC

24 IANUARIE

**SLUJBA
SF.CUVIOASE
XENIA
GRIGORIEVNA
DE LA
ST.PETERSBURG**



JORDANVILLE, 1978



Мѣсяца Іаннуарія въ 24-й дѣнь СЛУЖБА СВЯТЫЙ, БЛАЖЕННЫЙ ВО ХРИСТѢ КСЕНІИ, БЕЗДОМНЫЙ СТРАННИЦЪ ПЕТРОВА ГРАДА

НА МАЛЫЙ ВЕЧЕРНИ,

На Господи возвахъ: **стихиры на 4, гласъ 1.**

Подобенъ: Небесныхъ чиновъ.

Бездомная на землѣ сущи,* домъ и жилище
Духу Святому* въ сердцѣ своемъ уготовала
еси* смирениемъ твоимъ,* и нынѣ въ чертозѣ
Христовѣ радуешься,* блаженная Ксѣніе, Богу
присная. **[Дважды.]**

Внезапу твоему мужу умершу,* умре мірскаго
житія желаніе въ тебѣ,* всю себѣ Христу предала
еси,* яко лишенная разума* міру являющаяся,* и
жизни вѣчныя взыскала еси.

Бездомная и чуждая міру,* единое прибѣжище
Христа взыскала еси,* Ксѣніе, Богу и людямъ
близняя,* нынѣ же во Царствіи Христовѣ
радуешься,* помяни твоѣ близнія,* къ твоему
предстательству прибѣгающія.

Слава, и нынѣ, богородиченъ, самоподобенъ:

Небе́сныхъ чино́въ ра́дование,* на земли
челове́ковъ крѣ́пкое
предста́тельство,* Пречи́стая Дѣ́во,* спаси́ ны,
иже къ Тебѣ́ прибѣ́гающія,* яко на Тя
упова́ніе* по Бозѣ́, Богоро́дице, возложи́хомъ.

Та́же: Свѣ́те ти́хий... **Проки́меньъ дне́, и по**
Сподо́би Го́споди въ ве́черь се́й...

На стиховнѣ́ стихи́ры, гласъ 6.

Подобѣ́нь: Тридне́веньъ вокре́слъ еси́.

Чужда́я мі́ру, но су́щихъ въ не́мъ не
чужда́ющаяся,* о лю́дехъ
милосе́рдствующи,* ю́рода слову́щи, му́дрости
наставля́еши,* всяко́ терпя́щи, стражду́щія
цѣ́лиши:* си́ла бо Христо́ва* въ тво́ей не́мощи
соверша́ется.

Стихъ: Го́сподь храні́тъ пришельцы,* си́ра и
вдову́ при́иметь.

Земно́е бога́тство, Ксе́ніе, раздала́ еси́,* яко
непра́ведное,* и до́ма кро́вь отве́ргла
еси́,* милосі́ю Бо́жіею
покрыва́ющися.* Странствію Христо́ву
ревну́ючи,* Ца́рствія Христо́ва дости́гла еси́.

Стихъ: Го́сподь возво́дитъ
низве́рженныя,* Го́сподь лю́битъ пра́ведники.

Образъ терпѣнія и незлобія, Ксѣніе, явила еси,* юродство міра обличивши.* Предстательство твоѣ къ Богу вѣмь:* помолися за ны въ нѣждѣ нашихъ,* бездомныя же и отечествія лишѣнныя,* Отечествія небеснаго достигнути настави.

Слава, и нынѣ, богородиченъ, гласъ и подобенъ тойже:

Любы изсяче, умножишася беззаконія,* якоже предрече Господь:* отъ соблазновъ душегубца врага* огради насъ, Богородице,* и яко Родительница Всевышняго,* вышнее заступленіе намъ испроси.

Таже: Нынѣ отпускаеши... Трисвятѣе, по Отче нашъ...

Тропарь, гласъ 4:

Суеты земнаго міра отвергшися,* крестъ житія бездомнаго во странничествѣ пріяла еси,* скорбей, лишѣній, людскаго осмѣянія не убоялася еси,* любовь же Христову познала еси,* еюже нынѣ на небеси улаждаешися,* Ксѣніе блаженная, богомудрая,* молися о спасеніи душъ нашихъ.

Сла́ва, и ны́нѣ, богоро́диченъ, гласъ тойже:

Еже отъ вѣка утаенное, и а́нгеломъ несвѣдомое та́инство: Тобо́ю, Богоро́дице, су́щимъ на землі́ яви́ся, Бо́гъ въ неслы́тномъ соедине́ніи воплоща́емъ, и крѣсть во́лею на́съ ра́ди воспрі́имъ, имже воскреси́въ перво́зданнаго, спасе́ отъ сме́рти ду́ши на́ша.

Ектенія сугу́бая ма́лая, и отпу́сть.

НА ВЕЛИЦѢЙ ВЕЧЕРНИ,

Поёмъ: Блаже́нъ му́жъ., 1-й антифо́нъ. На Го́споди воззва́хъ: стихи́ры на 8, гласъ 8.

Подобѣнь: О, пресла́внаго чудесе́!

О, Ксе́ніе блаже́нная,* небе́сное Оте́чество возлю́бивши* на землі́ войсти́нну стра́нна пребыла́ еси́,* я́ко на странѣ́ чужде́й прехо́дящи.* Ны́нѣ убо въ до́мѣ Отца́ Небе́снаго водворя́ющися* и странстві́я Влады́чнѣ въ черто́зѣхъ го́рнихъ наслажда́ющися,* не забу́ди на́съ, па́мь твою́ вѣ́рно творя́щихъ,* и отъ бѣ́дъ мно́горазлі́чныхъ на́съ изба́вляй,* предъ престо́ломъ Го́спода Сла́вы на́съ помина́ющи.

О, Ксе́ніе сла́вная,* я́ко му́драя дѣ́ва* въ полу́нощи житі́я твоего́ Жениху́ Христу́ въ срѣ́теніе изшла́ еси́,* свѣти́льникъ пламенѣ́ющій

любве́ Божіа́ носящи,* ю́рода́ отъ́ міра́
нарица́ющися,* премі́рныя́ же́ му́дрости́
исполня́ющися.* Тѣмже́ отъ́ ми́лости елѣ́я, егѡ́же
богáтно стяжáла еси́,* подáждь нáмъ, пáмять
твою́ вѣ́рно творя́щимъ,* кáпли тогѡ́ точа́щи на
язвы́ наша.

О, Ксѣ́ніе мужемúдренная,* крѣ́пость ду́ши
твоея́ ктѡ́ исповѣ́сть?* Яко́ на бранѣ́ со княземъ́
тмы́ и міра́ сего́ исхѡ́дящи,* Андре́емъ нарекла́ся
еси́,* ничтѡ́же бо́ устраши́ тя или́ стужи́
ти:* глáдъ же́ и хлáдъ и наготу́ терпя́щи, —* вся́
могу́ о Хри́стѣ́, менѣ́ укрѣ́пляющемъ́, —* со
апѡ́столомъ́ взы́вала еси́.* Тѣмже́ и вѣ́нча́ тя
Христѡ́съ подвигополо́жникъ́.

Ины́ стихи́ры, глáсь 2:

Андре́ю, Христа́ ра́ди ю́родивѡму́, поревновáла
еси́,* нищету́ во́льную избравши,* и вся́ благáя
міра́ сего́ презрѣ́ла еси́, блаже́нная,* премі́рная
же́ благáя обрѣ́тши,* разда́еши да́ры ту́не сіхъ́
тре́бующимъ́* и твоегѡ́ заступле́нія прося́щимъ́.

Проро́ковъ еси́ соприча́стница, о Ксѣ́ніе,* я́ко
граду́щая ду́хомъ́ прозрѣ́вала
еси́,* преподо́бнымъ́ же́ сожительница́
явля́еши,* жесто́кому́ житію́ тѣхъ́
послѣ́довавши,* и́ безме́зднымъ́ врачѣ́мъ

ревну́ючи,* исцѣлѣ́нія недужнымъ доны́нѣ ту́не подаю́щи.

Что́ ты наре́чѣмъ, о Ксе́ніе блаже́нная?* Кі́я ти пѣ́сни принесе́мъ?* Яко въ житі́и земнѣ́мъ че́сти мі́рскія бѣ́гавши,* небе́сную сла́ву насле́дила еси́,* тѣ́мже ны́нѣ отъ всѣ́хъ просла́вляема,* не презри и на́ша хвалѣ́нія усѣ́рдная.

Ду́ха Свята́го тепло́ю согрѣ́ваема,* благода́тію Того́, я́ко боготка́нною оде́ждею, облече́нная,* наготу́ и хла́дъ претерпѣ́вала еси́ муже́мудренно,* гла́дъ же духо́вный сло́вомъ Бо́жіимъ уто́ляючи,* о пи́щи тѣ́леснѣ́й небрегла́ еси́,* отъ си́лы въ си́лу духо́мъ восходя́щи,* тѣ́мже и блаже́нство праведныхъ насле́дила еси́.

Вдови́ца честна́я отъ ю́ности обрѣ́тшися,* дщѣ́ри Фану́илевѣ́ поревновала́ еси́,* хра́му Бо́жію примѣ́тающися,* посто́мъ же и моли́твою Бо́гу денноно́щно служа́щи.* Тѣ́мже и сподо́билася еси́ зрѣ́ти Христа́ Спа́са,* не на руку́ Симео́ну носі́ма,* но во сла́вѣ́ присносу́щнѣ́й,* на престо́лѣ́ превознесе́нномъ на небеси́ возсѣ́дающа.

Сла́ва, гласъ 3:

Сѣ нынѣ Ксѣнія блаженная* на праздникъ свой насъ собираетъ,* церковнымъ гласомъ зовущи:* о чада и друзи, вскую любите суету и ищите лжи?* Что всуе мятѣтеся?* Видите мя, вся яко умѣты вмѣнившую* и свободу отъ всякія тщеты улучившую;* послѣдуйте убо мнѣ, якоже и азъ Христу,* и къ богатству, аще течетъ, не прилагайте сердца,* яко да времени пришедшу со мною водворитѣся* въ чертозѣхъ радости нескончаемыя.

И нынѣ, богородиченъ догматикъ, гласъ тойже:

Како не дивимся Богомужному Рождеству Твоему, Пречестная? Искушенія бо мужескаго не приѣмши, Всенепорочная, родила еси безъ отца Сына плотию, прежде вѣкъ отъ Отца рожденнаго безъ матери, никакоже претерпѣвшаго измѣненія, или смѣшенія, или раздѣленія, но обою существу свойство цѣло сохраншаго. Тѣмже, Мати Дѣво Владычице, Того моли спастися душамъ, православно Богородицу исповѣдающихъ Тя.

**Входъ. Прокименъ дне, и чтенія три.
Премудрости Соломона чтеніе.**

Праведныхъ души въ руцѣ Божіей, и не прикоснется ихъ мука. Непщевани быша во

очесѣхъ безумныхъ умерѣти, и вмѣнися озлобленіе исходъ ихъ, и еже отъ насъ шествіе — сокрушеніе, они же сѹть въ мирѣ. Ибо предъ лицемъ человѣческимъ, аще и муку пріимуть, упованіе ихъ безсмертія исполнено. И вмаѣ наказани бывше, великими благодѣтельствовани бѹдутъ, яко Богъ искуси я и обрѣте ихъ достойны Себѣ. Яко злато въ горнилѣ, искуси ихъ и, яко всеплodie жертовное, пріять я. И во время посѣщенія ихъ, возсіяютъ, и яко іскры по стѣблію, потекутъ. Судятъ языкомъ и обладають людьми, и воцарится Господь въ нихъ во вѣки. Надѹющіися Нанѣ разумѣютъ истину и вѣрніи въ любви пребѹдутъ Емѹ, яко благодать и милость въ преподобныхъ Его и посѣщеніе во избранныхъ Его.

Премудрости Соломѣни чтеніе.

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради пріимуть царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Пріиметъ всеорѹжіе — рвеніе свое и воорѹжитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Пріиметъ щитъ непобѣдимый — преподобіе, поостритъ же напрасный гнѣвъ — во оружіе,

спобореть же съ нѣмъ мѣръ на безумныя. Поидутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ станетъ имъ духъ силы и, яко вихоръ, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ землі. Внушите держащіи множества и гордящіися о народѣхъ языковъ, яко дана естъ отъ Господа держава вамъ и сила отъ Вышняго.

Премудрости Соломѣни чтеніе.

Праведникъ, аще постигнетъ скончатися, въ покой будетъ. Старость бо честна не многолѣтна, ниже въ числѣ лѣтъ исчитается. Съди́на же е́сть му́дрость челове́комъ, и во́зраст ста́рости — житі́е нескве́рное. Благоуго́денъ Бо́гови бы́въ, возлю́бленъ бы́сть, и живы́й посре́дѣ грѣ́шникъ, преста́вленъ бы́сть. Восхи́щенъ бы́сть, да не зло́ба измѣ́нитъ ра́зума его́ или ле́сть прельсти́тъ ду́шу его́. Раче́ніе бо зло́бы помрача́етъ до́брая и паре́ніе по́хоти, премѣ́няетъ у́мъ незло́бивъ. Сконча́вся вма́лѣ, испо́лни лѣ́та до́лга, уго́дна бо бѣ́ Господеви ду́ша его́, сего́ ради потща́ся отъ

среды́ лукавстві́я. Люді́е же видѣ́вше и не
разумѣ́вше, ни́же положе́ше въ помышле́ніи
тако́вое, я́ко благода́ть и ми́лость въ
преподо́бныхъ Его́ и посѣ́щеніе во избра́нныхъ
Его́.

На литі́и стихи́ра хра́ма. Та́же блаже́нныя, гласъ 8:

Стра́ннице блаже́нная,* вся́ су́етная я́ко уме́ты
вме́нившая,* да бисе́рь — Христа́
пріобря́щещи,* зри́мъ тя, сто́гны гра́да Петро́ва
преходя́щую* болѣ́зненными стопа́ми о́ныя
освятившу́ю,* мра́за не страша́ющуюся, но́щю
внѣ́ гра́да тая́щуюся.* Та́мо ко́лна души́ и тѣ́ла
прекло́ньши,* о, ко́ль те́плы мо́льбы Бо́гу ты́
сказа́ла еси́,* па́ки же ра́достно поноше́ній са́ма
поиска́ла еси́,* въ злострада́ніихъ Христа́ ра́ди
юро́дствовавшая,* прозрѣ́нія же да́ра та́йно
сподо́бльшаяся,* благоде́тельница лю́демъ
чудодѣ́тельная,* Ксе́ніе свята́я,* бу́ди моле́бница
прісно за ны́.

Сла́ва, гласъ 4:

По і́мени тво́ему, Ксе́ніе, и житі́е тво́е:* бы́ла
бо еси́ мі́ру се́му я́ко стра́нная,* вѣ́ку се́му я́ко
чужда́я,* Це́ркви же святѣ́й я́ко прісна́я.* На
землі́ пребы́ла еси́ я́ко го́стія привре́менная,* на
небеси́ же пребыва́еши я́ко жи́тельница

вѣчная.* Тамо еси́ яко́ Бо́жія избра́нница,* мы
же на землі́ ублажа́емъ тя́ яко́ на́шу
моли́твенницу.

И ны́нѣ, богоро́диченъ, гла́съ то́йже:

Богоро́дице, грѣ́шныхъ Споручни́це,* не оста́ви
на́съ погиба́ющихъ,* но ри́зою заступле́нія
Твоего́ покрый́ на́съ,* яко́ да ри́зы то́я кра́й
вѣро́ю удержа́вше,* изъ́ глуби́ны паде́ній
изведе́ни бу́демъ,* милосе́рдіе Твое́
просла́вляюще.

На стихо́внѣ стихи́ры, гла́съ 1:

Поспѣ́шай на по́мощь на́шу, о Ксе́ніе
пра́ведная!* Яко́ вси́ есмы́ въ бѣ́дахъ,* вѣ́ры
несумне́нныя не стяжа́вше,* дерзнове́нія же въ
моли́твахъ не иму́ще.* Тѣ́мже къ тебѣ́,
блаже́нная, прибѣ́гаемъ:* ты́ убо не́мощь на́шу
воспо́лни,* Христа́ Бо́га о на́съ умо́ляючи.

Стихъ: Госпо́дь храні́тъ пришельцы,* си́ра и
вдову́ при́иметь.

Прорече́нія твоя́, блаже́нная,* и́стину
сокрове́нную провѣ́щаваху,* тѣ́мже велѣ́ніемъ
твоимъ вѣ́рою послѣ́дующи,* ра́дость и отъ бѣ́ды
избавле́ніе улу́чашу.* Оба́че тѣ́мъ
противля́ющися,* го́рькія печа́ли прича́стницы
быва́ху,* ничто́же пользующе́ся.

Стихъ: **Госпо́дь** **возво́дитъ**
низве́рженныя,* Госпо́дь лю́битъ пра́ведники.

Вои́стину, Ксе́ніе,* по і́мени твоему́ и житі́е
твое́ бы́сть,* на небеси́ бо ду́хомъ живу́щи,* на
земли́ стра́нна яви́лася еси́,* гра́да, здѣ
пребыва́ющаго, не иму́щи,* но гряду́щаго
взыску́ючи,* въ нѣмже ны́нѣ водворя́еши.

Сла́ва, гла́съ 7:

Но́вый Андре́й, юро́дства по́двигъ во́лею на
себе́ взѣмши́й, явля́еши,* о Ксе́ніе, Андре́емъ
наре́кшаяся,* тѣмже и видѣ́нія премі́рныхъ, я́ко
то́й сподо́бляющи,* отверза́еши о́чи суето́ю
омраче́ннымъ* и предста́тельствуеши о всѣ́хъ,
тебе́ ра́ди ми́лости у Христа́ Спа́са
прося́щихъ,* Егоче́ моли́, блаже́нная,* спасті́ся
душа́мъ на́шимъ.

И ны́нѣ, богоро́диченъ, гла́съ то́йже:

Подъ кро́вь Тво́й, Влады́чице, всі́ земноро́дніи,
прибѣ́гающе, вопі́емъ Ти: Богоро́дице, упова́ніе
на́ше, изба́ви ны́ отъ безме́рныхъ прегрѣ́шеній и
спаси́ ду́ши на́ша.

[На благослове́ніи хлѣ́бовъ: Тропа́рь
блаже́нныя, два́жды [пи́санъ на ма́лѣй
вече́рни] и Богоро́дице Дѣ́во., еди́ножды.]

Инъ тропарь, гласъ 8:

Тебѣ, о страннице, яви Христось Господь
 молитвенницу теплую за родъ нашъ,* въ житіи
 бо твоёмъ страданія и скорби воспріявши,* Богу
 же и человекомъ любовію
 послуживши,* дерзновеніе велие стяжала
 еси.* Тѣмже къ тебѣ въ напастехъ и скорбехъ
 усердно прибѣгаемъ,* изъ глубины сердець
 нашихъ взывающе:* упованія нашего не
 посрами, Ксеніе блаженная.

НА УТРЕНИ,

На Богъ Господь: Тропарь [святѣя], дважды.
 Слава, и нынѣ, богородиченъ, гласъ тойже.

По 1-й каѳисмѣ съдаленъ, гласъ 1:

Не ктому озлобленія и скорби претерпѣваеши,
 блаженная, на земли чуждѣй странствующи, но
 во Отѣчествіи небеснѣмъ водворяешися и тамо
 съ лики праведныхъ утѣшаешися. Тѣмже и насъ,
 непрестанно тебѣ призывающихъ, отъ бѣдъ и
 напастей многообразныхъ прісно
 избавляй. [Дважды.]

Слава, и нынѣ, богородиченъ, гласъ тойже:

**Богородице Дѣво, раду́йся, ра́дость отъ а́нгела
прі́явша́я и ра́дость ми́ру прине́сша́я, раду́йся,
ро́ждша́я Зижди́теля Твоего́ и Го́спода. Раду́йся,
сподо́бльша́яся бы́ти Ма́ти Бо́жія.**

По 2-й каѳісмѣ съда́ленъ, гла́съ 8:

**Тебѣ́, блаже́нная, отъ Бо́га даде́ся благода́ть
пещи́ся о лю́дехъ, недужны́я цѣлѣ́ти и скорбны́я
утѣ́шати, бу́реваемы́я напа́стьми ко
приста́нищу благоути́шному напра́вляти,
заблудші́я и отча́яанны́я на пу́ть спасе́нія
напра́вляти. Тѣ́мже мы́ ны́нѣ, па́мять твою́
соверша́юще, те́плѣ зове́мъ: не забуди́ насъ,
блаже́нная, въ твои́хъ дерзнове́нныхъ
моли́твахъ. [Два́жды.]**

Сла́ва, и ны́нѣ, богороди́ченъ, гла́съ тойже:

**Тебе́, Влады́чице, еди́ну наде́жду и прибѣ́жище
има́мы, Тебе́ стѣ́ну неруши́мую отъ всѣ́хъ вра́гъ
и напа́стей стя́жахомъ, не оста́ви насъ ны́нѣ и
прі́сно и во вѣ́ки.**

Поліе́лей и велича́ніе:

**Ублажа́емъ тя́, свята́я блаже́нная Ксе́ніе, и
чте́мъ святу́ю па́мять твою́, ты́ бо мо́лиши за
насъ Христа́ Бо́га на́шего.**

Псаломъ избранный: Терпя потерпѣхъ
Господа, и внять ми и услыша молитву мою...

По поіелѣи съдаленъ, гласъ 5:

Отверзи уста наша, Спасе, даждь слово разума
работъ неключимымъ, воспѣти достойно Ксѣнію
блаженную, тоя бо подвижи мірскій разумъ
превосходятъ, и тоя смиреніе, яко покровомъ,
житіе ея сокрываетъ. Обаче чудесы и
предстательствомъ тоя просвѣщаеми, отъ любви
сердечныя непрестанно зовѣмъ: не остави насъ
заступленіемъ твоимъ, Ксѣніе
премудрая. [Дважды.]

Слава, и нынѣ, богородиченъ, гласъ тойже:

Не мудростію и сілою, не богатствомъ
хвалимся, но Тобою, пренепорочная, Ты бо родъ
человѣчь на высоту ангель превосходящую
вознесла еси, Слово предвѣчное рождши, и
матернее дерзновеніе къ Сыну Твоему и Богу
стяжавши. Тѣмже Ти припадающе, молимся: на
забуди насъ сирыхъ, о всепѣтая Мати и Дѣво.

Степенна, 1-й антифонъ, 4-го гласа.
Прокименъ, гласъ 4-й: Возвеселится
праведникъ о Господѣ* и уповаѣтъ на
Него. **Стихъ: Услыши, Боже, гласъ мой, внемди**

моли́ти ми ся Тебѣ́. **Вся́кое дыха́ніе... Ева́нгеліе**
отъ Луки́, зача́ло 78.

По 50-мъ псалмѣ́ стихи́ра, гла́съ 6:

Жесто́кое житі́е во́лею избра́ла еси́, и
озлобле́нія вся́ческая претерпѣ́ла еси́, юро́дство
мі́ра сего́ обли́чивши, премудро́сть же Бо́жію
явивши. И ны́нѣ на небеси́ утѣша́ешися, мы́ же,
на землі́ странству́юще, тебѣ́ непреста́нно
зове́мъ: не забуди на́съ, блаже́нная, Христа́ Бо́га
о на́съ умоля́ющи.

Кано́нъ моле́бный Богоро́дицы съ ирмосо́мъ
на 6, и блаже́нный Ксе́ніи на 8, гла́съ 4-й,
его́же краегра́не́сіе: Ксе́нію мужеу́мную
похва́лами почита́емъ.

Пѣ́снь 1.

Ирмо́съ: *Триста́ты крѣ́пкія, Рожде́йся отъ*
Дѣ́вы, безстра́стія во глубинѣ́, души́
трича́стное пото́пи, молю́ся, да Тебѣ́, я́ко въ
тимпа́нѣ, во умерщвле́ніи тѣ́лесѣ побѣ́дное
воспою́ пѣ́ніе.

Ксе́ніе блаже́нная, вои́стинну по і́мени тво́ему
и житі́е твоѐ бы́сть: на землі́ бо, я́ко во странѣ́
чужде́й, прехо́дящи и во Оте́чествіе небесное
преста́витися ча́ющи, вся́ земна́я, я́ко сѣ́нь и
соніе, презрѣ́ла еси́.

Суе́ту́ вся́ческу́ю, я́ко пра́хъ отъ но́гу тво́ею
отря́сши, же́стоки́мъ пу́те́мъ въ зѣ́млю
обѣ́тованія́ ше́ствовати́ изво́лила еси́, Ксе́ніе
му́жему́дренная, че́ловѣ́коуби́йцу вра́га, я́ко
Ама́лика, побѣ́ждаючи́ и Го́сподеви́ побѣ́дное
пѣ́ніе прино́сящи.

Египетскія́ котлы́ благоде́нствія́ презрѣ́вши и
ми́ру кичли́вому посмѣ́явшись, Ксе́ніе му́драя,
мо́ря житѣ́йскаго́ дно́ прешла́ еси́ невре́ждѣ́нно,
Бо́гу тя ве́дущу́ руко́ю крѣ́пкою, Е́му́же воспѣ́ла
еси́ побѣ́дное пѣ́ніе.

Богоро́диченъ: **Н**енадѣ́ющихся наде́ждо и
бори́мыхъ по́моще, Пре́чистая, въ мо́ри су́щихъ
звѣ́здъ боготе́чная, и въ пу́стыни заблуж́дшихъ
исто́чнице живоно́сный, отра́ду ду́шамъ
на́шимъ, Дѣ́во Благо́словѣ́нная, да́ждь.

Пѣ́снь 3.

Ирмо́съ: **Н**е му́дростию, и си́лою, и
бога́тствомъ хвали́мся, но Тобо́ю, Отчею
ѵ́поста́сною Му́дростию, Христе́: нѣ́сть бо
свѣ́тъ, па́че Тебе́, Че́ловѣ́колю́бче.

Іоа́нна, возлю́бленнаго́ учени́ка Спа́сова,
слы́шавши глаго́люща: и́же лю́битъ ми́ръ, въ
не́мъ любви́ Отчей нѣ́сть; ми́ръ грѣ́холо́бивый

возненавидѣвши, въ до́мъ Отчій поспѣшала еси́, блаже́нная.

Юро́ду себѣ Христа́ ра́ди сотво́рши, му́дрости же преми́рныя исполня́ющися, о́комъ чи́стымъ бу́дущая, я́ко настоя́щая, прозрѣва́ющи, проро́комъ Бо́жимъ поревновала еси́, Ксе́ніе богому́драя.

Моли́тва усер́дная — пи́ща тебѣ́ бы́сть, пра́веднице, руга́нія же и осмѣя́нія — пи́тіе сла́дкое, смиренному́дріе — оде́жда украше́нія, и вѣ́нецъ — Ду́ха осі́яніе.

Богоро́диченъ: Уста́ двиза́ти на моли́тву, я́коже ма́ти Самуи́лова ника́коже обѣ́нимся, вѣ́рнии, небесе́ и земли́ Цари́цу призыва́ющи.

Сѣда́ленъ, гла́съ 5:

Егда́ но́щю моли́твы твоя́ тайнолѣ́пно творя́щи, на снѣ́гъ ко́льна твоя́ преклоня́ла еси́, блаже́нная, ду́ша твоя́ па́че снѣ́га убѣ́ляшеся, слѣ́зы же, отъ тепло́ты серде́чныя пролива́емыя, зе́млю согрѣ́ваху, гра́дь тво́й спя́щій бдѣ́ніемъ твои́мъ спаса́шеся, и гнѣ́въ Бо́жій отъ того́ отвраща́шеся. Ны́нѣ у́бо тебѣ́ отъ ми́ра сего́ отше́дшей, бѣ́дствуемъ лю́тѣ, но́щь несвѣ́тла наста́ намъ, огу́стъ тма́ грѣ́ховная, со́нѣ лѣ́ности и нерадѣ́нія зѣ́ницы на́ша смежи́, гра́дь тво́й въ

руцѣ безбо́жникъ преда́дѣся, и оте́чество твоѣ
вѣра́гу порабо́тися, потщи́ся убо на моли́тву и на
по́мощь на́мъ поспѣ́шай, Ксе́ніе, дерзнове́ніемъ
вѣлія. [Два́жды.]

Слава, и нынѣ, богородиченъ, гласъ тойже:

Предста́тельница и ско́рая Засту́пнице ро́да
христі́анского, бездо́мныхъ и оте́чества
лише́нныхъ Покрови́тельнице, моли́ прісно
Сы́на Твоего́ и Бо́га съ блаже́нною Ксе́нією за
ру́сскія лю́ди во оте́чествіи и въ разсѣ́яніи су́щія,
да О́течества неотъеме́мага, небе́снаго
достигне́мъ.

Пѣснь 4.

Ирмо́сь: *Услы́шахъ сла́вное смотре́ніе Твое́,
Христе́ Бо́же, я́ко роди́лся еси́ отъ Дѣ́вы, да отъ
лѣ́сти изба́виши зову́щія: сла́ва си́ль Твое́й,
Го́споди.*

Же́нскую не́мощь отлага́ючи, Андре́емъ
нарекла́ся еси́, мужеу́мная, проти́ву духо́въ
злобы подви́зающися, — сла́ва си́ль Твое́й, — къ
Пода́ющему ти́ си́лу вызы́аючи.

Евино висо́коу́міе, ра́й затвори́вшее, отвер́гши
всего́на́чно, богому́драя, ю́рода наре́щися
изволя́еши, змія́ льсти́ваго посра́мивши.

Умъ Христо́въ въ́ну́тру́ду тая́щи, премѹ́драя, мі́ра му́дрость попира́еши, вразумля́еши же лю́ди, судьбы́ Бо́жія предвозвѣща́ющи, и стопы́ на́ша на пу́ть пра́вый напра́вляющи.

Богоро́диченъ: **М**илосе́рдіе Твое́ къ на́мъ прекло́нити тщи́мся, Богоро́дице, моли́твенницу Тебѣ́ предлага́ющи Ксе́нію блаже́нную, ея́же предста́тельство стяжа́ти упова́емъ, па́мь ея́ те́плѣ воспи́вающе.

Пѣснь 5.

Ирмо́съ: **С**тяжа́вый ны́, избра́нныя лю́ди, кро́вию Твое́ю, Го́споди, Тво́й ми́ръ да́ждь на́мъ, во единомы́слии сохра́ня ста́до Твое́.

Наготу́ и хла́дъ терпя́щи, ри́зы же ни́щимъ разда́ющи, — довлѣ́тъ ми́ ри́за креще́нія, — въ себѣ́ взы́вала еси́, блаже́нная.

Уврачу́й на́ша ра́ны, услы́ши моли́твы, умири́ на́шу жи́знь и на по́мощь на́мъ поспѣ́шай, Ксе́ніе благолю́бивая.

Юныя вразуми́ и на пу́ть и́стины наста́ви, ста́рыя умудри́ и боже́ственная разумѣ́ти научи́, вся́ко на дѣ́ла́ благая́ ихъ подви́зая́щи, о Ксе́ніе, му́дрость небе́сную стяжав́шая.

Богорóдиченъ: Печáли отлóжше, восклонímся и горѣ́ възрímъ, брáтіе, и ўзрímъ въ небесѣ́хъ Царицу́ Богорóдицу, покрóвомъ Своímъ свѣ́тоно́снымъ на́съ покрывáющую.

Пѣ́снь 6.

Ирмо́сь: *Внегда́ скорбѣ́ти ми́, возопíхъ ко Го́споду, и услы́ша мя́ Бо́гъ спасе́нія моего́.*

Окорми́ на́съ, въ мóри житѣ́йскомъ бѣ́дствующи́хъ, блаже́нная, ко приста́нищу благоотíшному на́съ провожда́ющи, моля́щися ко Еди́ному, Иже на́съ спасти́ могу́щему.

Хотя́ще благáя творíти, злáя содѣ́ваемъ. Заповѣ́ди Бо́жія вѣ́дуще, о тѣ́хъ небреже́мъ и согрѣ́шаемъ: помози́ намъ немо́щнымъ, Ксе́ніе благосе́рдая.

Возопí о на́съ ко Го́споду, Емúже послужи́ла еси́, о Ксе́ніе, гласомъ крѣ́пкимъ, я́коже Моисе́й въ пусты́ни, и услы́шитъ тя́ Бо́гъ, спасти́ хотя́й челове́ки.

Богорóдиченъ: **А**ще не ты́ на́мъ ру́цѣ́ прóстреси, о Богома́ти, не й́мамы избы́ти погíбельнаго ро́ва, сего́ ра́ди Ти́ зове́мъ: Влады́чице, спаси́ ны.

Кондакъ, гласъ 3:

На земли яко странна пребывши,* о небеснѣмъ же Отѣчествіи въздыхаючи,* юрода отъ буйихъ и невѣрныхъ,* премудра же и свята отъ вѣрныхъ познаваеши,* и отъ Бога славою и честию вѣнчаеши,* Ксѣніе мужеумная и богоумная,* сего ради зовѣмъ ти:* радуйся, яко по странствіи земнѣмъ* въ дому Отчемъ водворяеши.

Икосъ:

Кто сія, во врата Царствія небеснаго толкущая, еяже ризы бѣлы, лице же сіяетъ паче солнца? Откуда приходитъ и яковыхъ требуетъ? — Сія есть дщи Отца Небеснаго, Сына Божія раба вѣрная и Духа Святаго сосудъ избранный, на земли яко странница пришельствовавшая. Нынѣ во Отѣчествіе небесное представляется, со тщаніемъ убо сей двѣри отворзите и срѣтайте ю, съ веселіемъ зовуще: радуйся, Ксѣніе, яко по странствіи земнѣмъ въ дому Отчемъ водворяеши.

Пѣснь 7.

Ирмосъ: *Юноши три въ Вавилонѣ, вельніе мучителево на буйство преложше, посредѣ*

пла́мене вопі́яху: благослове́нь еси́, Го́споди, Бо́же оте́ць на́шихъ.

Ле́гкое бре́мя Христо́во на ра́мо твоё взёмши, вся́ тяжкая́ земная́ ни во что́же вмѣня́ючи, блаже́нная, неудобоно́симое ка́мене на ве́рхъ церко́вный преносі́ла еси́, усер́дно тру́дящися и зову́щи: благослове́нь еси́ Го́споди, Бо́же оте́ць на́шихъ.

Алчемъ и жа́ждемъ и наготу́емъ духо́вно: пи́щу сла́дкую, твоё наста́вленіе, да́ждь у́бо на́мъ, блаже́нная, прохла́ди гортани́ наша́ росо́ю моли́твъ твои́хъ о на́съ, убо́гихъ, я́ко да Го́сподеви благода́рнѣ зове́мъ: благослове́нь еси́, Бо́же оте́ць на́шихъ.

Мыта́рево грѣхоло́бное житі́е подража́юще, смиренному́дрія то́го не стяжа́хомъ, па́че же и фари́сеевой го́рдости преда́хомся, добродѣ́телей же не иму́ще, что́ у́бо сотвори́мъ немощніи, а́ще не къ тебѣ́, Ксе́ніе, прибѣ́гнемъ и возопі́ймъ: умоли́ о на́съ Бо́га оте́ць на́шихъ.

Богоро́диченъ: И́ныя нѣ́сть во вселе́ннѣй, я́коже Ты́, Богоро́дице, я́же ма́тернее дерзнове́ніе ко Спа́су иму́щая, и а́нгелы пресла́вною чистото́ю превозше́дшая: тѣ́мже Ти́ припа́даемъ, Влады́чице, моли́ о на́съ при́сно Бо́га оте́ць на́шихъ.

Пѣснь 8.

Ирмосъ: *Всяческая, Владыко, премудростію Твоею составилъ еси, земли же паки утвердилъ еси, якоже въси, дно, основаніемъ водрузивый на водахъ безмѣрныхъ. Тѣмъ вси вопіемъ, воспѣваяюще: благословите, дѣла Господня, непрестанно Господа.*

Помощница намъ буди, блаженная, изымающи насъ отъ скорбей и болѣзней, отъ соблазновъ же, нестроений и бѣдъ, и желанія сердець нашихъ во благо исполни, яко да о тебѣ Бога благодаряще, вопіемъ: благословите дѣла Господня непрестанно Господа.

Огнѣвицу державствующему уставила еси, царицѣ же въ видѣніи соннѣмъ представши, прорекла еси той рождѣніе чада, тѣмже благодарственнѣ вопіяше: благословите дѣла Господня непрестанно Господа.

Чада твоя есмы, о Ксѣніе блаженная, не остави насъ сирыхъ, но на помощь къ намъ прииди. Не забуди о славѣ твоей пекущихся, но радованіемъ имъ воздаждь, да вси согласно поемъ: благословите дѣла Господня непрестанно Господа.

Богородиченъ: **И**мя Твое пресладкое и муроуханное да не отхóдитъ отъ усть нашихъ, Богородице, сердца же наша любовью божественною горяща, всю тварь да приглашаютъ вопити: благословите дѣла Господня непрестанно Матерь Божію.

Пѣснь 9.

Ирмосъ: *Тя, преславную Невѣсту и Всесвятую Богородицу, Зиждителя рождшую невидимыхъ же и всѣхъ видимыхъ, пѣсньми величаемъ.*

Тайнолѣпная житія твоего и подвизи твои сокровеннии, нынѣ міру явишася, Ксѣніе блаженная, тѣмже о тебѣ всеелящеся, Христа Бога, тебѣ прославльшаго, немолчно величаемъ.

Аще и преставилася еси отъ земныхъ, обаче вѣдуще тя и по смѣрти намъ спребывающую и молитвами твоими присно насъ отъ бѣдъ покрывающую, благодарнѣ тя, блаженная, величаемъ.

Еже о насъ, немощныхъ и убогихъ, попеченіе твое воспоминающе, съ любовью къ тебѣ припадаемъ, молитвеннице наша крѣпкая: не остави убо насъ, сирыхъ, но присно намъ помогай, яко да о тебѣ Бога и Отца Небеснаго присно величаемъ.

Богорóдиченъ: Моли́твы Ксе́нии блаже́нныя къ Тебѣ́, Влады́чице, о на́съ приноси́мая, къ Сы́ну тво́ему и Бо́гу, Дѣ́во, принеси́, Твои́мъ ма́тернимъ хода́тайствомъ ты́я подкрѣ́пляющи, и спаса́й, Пречи́стая, Тя́ велича́ющія.

Свѣ́тиленъ:

До́ме Отчій, отве́рзи ми́ двѣ́ри, отъ земли́ чужде́й преста́вьшейся, — вопіе́тъ Ксе́нія блаже́нная, во врата́ Ца́рствія небе́снаго толку́щи. [Два́жды.]

Сла́ва, и ны́нѣ, богорóдиченъ:

Две́ре небе́сная, пала́то Царе́ва, христіа́нъ неруши́мая стѣ́но, богоприе́мнѣи Твои́ руцѣ́ на́мъ протира́юще, введи́ на́съ, Влады́чице, въ вѣ́чныя кро́вы.

На хвали́техъ стихи́ры на 4, гла́съ 8:

Со́лнца пра́вды — Христа́ безу́мно уклони́хомся, и зима́ на́мъ е́сть лю́тая жестокосе́рдія. Но ты́, блаже́нная, тепло́ю моли́твъ твои́хъ оледенѣ́вшая се́рдца́ н́ша согрѣ́вай, я́ко да отъ сна́ нечу́вствія восклони́мся, весну́ духо́вную возвѣ́щающе.

Въ но́щи грѣ́ховнѣ́й заблуди́хомся, огу́стѣ́ тма́ духо́вная: ка́ко избѣ́гнемъ паде́ній и

погибельнаго рова? Како обрѣтемъ путь ко спасенію? Ты, блаженная, свѣтильникъ милосердія твоего возжѣвши, изыди въ срѣтеніе насъ погибающихъ и, простѣрши намъ руки твои, на стези правыя изведи ны.

Гдѣ премудръ, гдѣ книжникъ, гдѣ совопросникъ вѣка сего? Не обуи ли Богъ премудрость мірскую? Тѣмже и ты, Ксеніе, міру юрода являешися, Христа, Божію Премудрость, проповѣдаючи, и Того благодатию просвѣщаема, всѣхъ навчаеши суеты мірскія отгребатися.

Нищету совершенную стяжавши, премудрая, мірская мудрованія отвергши, Богу же яко вдовицу лепту въ жертву разумъ принеся, юрода человекомъ являешися, обаче ты вѣмы мудрейшую премудрыхъ, тѣмже отъ тебе наученія просимъ: просвѣти нашъ умъ твоєю свѣтлостію, мракъ невѣдѣнія отгоняючи.

Слава, гласъ 6:

Все отложивши мірское попеченіе, ризою юродства премудрость сокрываючи, Богу же и человекомъ тайнолѣпно послуживши, стяжала еси Святаго Духа благодать, о Ксеніе блаженная, тѣмже яко дерзновеніе ко Спасу имущая, не престаи молити Того спастися душамъ нашимъ.

И нынѣ, богородиченъ, гласъ тойже:

Вся превозше́дши непоро́чнаго дѣвства добро́тою, Бо́га роди́ла еси́ неизрече́нно, Пресвята́я Дѣво Ма́ти, тѣмже ро́дъ челове́чь о Тебѣ́ раду́ется, и Тобо́ю, и́стинною Богоро́дицею, дерзнове́нно хва́лится, на Тя упова́ніе возлага́я, Ты́ бо еси́ Предста́тельница и Спасе́ніе міру.

Славословіе великое. Ектеній и отпу́сть.

НА ЛИТУРГІИ,

Блаже́нна, отъ канона́ блаже́нныя пѣснь 3-я и 6-я. Прокі́мень, гласъ 4: Ді́вень Бо́гъ во святы́хъ Свои́хъ,* Бо́гъ Израі́левъ. Стихъ: Въ це́рквахъ благослови́те Бо́га, Го́спода отъ исто́чникъ Израі́левыхъ. Къ Гала́томъ посла́нія, зача́ло 208. Аллилу́ія, гласъ 1: Терпя́ потерпе́хъ Го́спода и вня́тъ ми, и услы́ша моли́тву мою. Стихъ: Поста́ви на ка́мени но́зъ мой и испра́ви стопы́ моя. Ева́нгеліе отъ Мате́ея, зача́ло 104. Прича́стенъ: Въ па́мять вѣ́чную бу́детъ пра́ведникъ, отъ слуха́ зла́ не убои́тся.

Источникъ: Служба́ святѣ́й, блаже́ннѣй во Хри́стѣ́ Ксе́ніи, бездо́мнѣй стра́нницѣ́ Петро́ва гра́да. — Jordanville: Тѣпогра́фія преп. Іова́ Почаевскаго, 1978. — 29 с.